



Universitätsbibliothek Paderborn

Opvs De Ivdiciis Divinis, Qvae Devs In Hoc Mvndo Exercet

Accessit index concionatorius in omnes totius anni dies Dominicos & Festos, ab ipso Auctore confectus

Stengel, Georg

Ingolstadii, 1651

5. Quid lapis oneris, & laqueus absconditus significet?

urn:nbn:de:hbz:466:1-45699

ergo euenit, ut qui lapidem ponit alteri in offendiculum, ipse sui doli oblitus in eum incurrat imprudens; immo, ut qua re alium vincere voluit, ea vincatur.

IV.

Zachar. 12. 3.

Quod ut intelligas, adverte ex D. Hieronymo, quod à Propheta Zacharia *lapis oneris* vocetur. Vetus enim, in Iudea, mos fuit, S. Hieronymi adhuc tempore, obseruatus, ut in viculis, oppidis, & castellis rotundi lapides ponderis grauissimi ponerentur, quibus sepe juvenes exercere solitabant, dum eos pro diuersitate virium subleuarunt, alij usque ad genua, alij ad umbilicum, alij ad humeros & caput, nonnulli super verticem, rectis iunctisque manibus magnitudinem virium demonstrantes. Addit, etiam Græcorum morem similem fuisse. Nam se in arce Atheniensium, juxta simulacrum Mineruæ, vidisse sphæram aneā ponderis maximæ, quam ipse pro imbecillitate corpusculi mouere vix potuerit: cum autem quæreret, quidnam sibi illud vellet? responsum ab urbis eius auctoribus, athletarum in illa massa robur comprobari; nec prius ad agōnem quemquam descendere, quām ex leuatione ponderis sciatur, quis cui debeat comparari. Talis lapis in aula quoque Monacensi monstratur, quem cum poëta, partem handexignam montis voces, sublatus, gestatus, projectus à fortissimo heroë Bavariae Duce.

V.

Matth. 23. 4.

Qui statuit talem lapidem proximo suo in certamen, & virium certamen, offendit in eo, quia si videat, quod tollere eum alter non possit, iaueniet se ipsum imparem, ad eum tollendum. Nihil est frequentius, quām ut alios contemnamus ob laborem, quem fugiunt, vel excusant, cum tamen eum ipsi preferre non possimus. Quo in genere superiores sive peccant. Dicunt enim, & non fassunt, Aliquant enim onera gravis, & importabilia, & imponunt in humeros hominum: digito autem suo nolunt eam mouere: & sive non possunt. Itaque, si sorte mutata, eadem facere jubeantur, tunc demum in lapidem offendunt, quem ipsi alijs posuerunt; & lapis oneris ostendit illis suam imbecillitatem, qui infirmitatem aliorum agnoscere noluerunt. Tertia similitudo est. Qui laqueum alijs ponit, peribit in illo: quod etiam Dauid voluit monere, cum dicere: In laqueo isto, quem absconderunt, comprehensus est pes eorum. S. Hieronymus legit: in rete isto, quod occultauerunt, Clemens Alexandri.

Ecclesi 27. 19
Psal. 9. 16
Clem Alex.
lib. 6. Strom.
cap. 1.

nus,

nus, ceterique Patres aiunt, doceri per comparationem ex artis venandi opere minus laborioso, & sumptuoso, scilicet per dolos retis, laquei, pedicæ, quibus minus cautæ deluduntur, & capiuntur animantes, neminem alteri, per technas & fraude, injuriam parare, quin sibi quæque ipsi paret. Quod ibidem pluribus explicatur. *Infixæ sunt gentes in interitu, quem fecerunt, inquit, ideò exultabo in salutari tuo.* Hostes enim plerumque in laqueos se inducunt, quos tetenderunt. Idecirco igitur Dei de rebus humanis procuratio est agnoscenda, speranda, & cum exultatione laudanda, quia videmus peccatores alijs malum struentes, illo ipso malo irretitos comprehendendi, & innoxios liberari. Ita enim, tellus Cæteræno, ut Deus Ammonitas ob vetera delicta deleret, permisit Dauidi mere bellum injustum, ut ipsi in eo corruerent. Ob hanc tamen ibidem subiungitur: *Cognoscetur Dominus judicata faciens: in operibus manuum suarum comprehensus est peccator.* ^{ib v. 17.} Rectè autem peccata vocantur opera manuum nostrarum, quia proprie nostra sunt; vii ^{Psalm. 27. 45.} & *Idola*, quæ non sunt *idola*, nisi prout à nobis fiunt. Itaq; propter opera manuum nostrarum, & ob dolos, quos alijs machinamur, in eadem incidimus, quæ alijs machinamur. Ex qua ipsa pœna cognoscetur Dominus judicata faciens, & iustitia Dei, per ea ipsa homines, quæ faciunt, punientis.

Quarta similitudo est: *Qui dissipat sepem, mordebit eum coluber.* Damnum commune hoc est, quod homines solent hominibus inferre. 1. Ut limitem loco moueant, & terminos hortorum, pratorum, agrorum confundant, quæ omnia solent sepibus discriminari. 2. Ut equis & curribus viam aperiant, nouamque fundi domino inducant transseundi seruitutem. 3. Ut apries & ceruis pascua monstrant, cum ingenti detramento subditorum. 4. Ut laceratis sepibus fructus possint aportare hortorum, cuius se culpa reum in pueritia fuisse, confitetur S. Augustinus. 5. Ut inde sumant bacillos, quibus innitantur viatores. 6. Ut è materia sepium, habeatur materia ignium. Quod Milites norunt, qui focos ubi extruunt, nullas sepes relinquunt. His omnibus modis læditur, qui hortum, pratum, agrumne circumsepsit. At quo modo ladens vicissim læditur? *Mordebit eum coluber;* qui non raro latet in herba, aut inter sepes tegitur, & velut Hesperidum hortum fa-

VI.

Ecclesi. 10. 8.

Ttt

bulofus